



**D**E Frisici nominis origine, cum variaz & prolixaz variorum sint disputationes & opinioniones, quas compendij causa hic recensere nequimus, relegabo lectorem ad perfectum Frisicaz gentis historicum Suffridum Petrum Leovvardiensem, Frisium, qui abunde factis hanc rem tractat in libello quodam hic Coloniz impresso. A Frisone tamen duce quodam ipforum sic appellatos esse Frisones seu Frisios verisimilima est sententia. Viglius Zvviemus vir vndiquaque doctissimus, natione Friso, affirmat Frisones nomen suum antiquissimum a seculis inde sibi vindicasse, nec vnquam, vti propemodum omnes reliqui Germanorum populi, id mutasse, eoq̄ue ab originum nomine sese insigniuisse, quod in tanta caducarum omnium rerum confusione, ipsi originis suaz nomen intercideri non sunt passi. Veteres itaque hi Frisij & sedem & nomen tuentur suum, quanquam nonnullis & Chauci olim dicti creduntur. Fit autem id vel ex ignorantia, vel ex antiquorum geographorum scriptis haud probè intellectis. Chauci siquidem non Frisij, sed eorum fuere vicini. at cum Frisij à Rheno ostio, cui Fleuo nomen est, ad Amasium siue Amefin vsque flu. continuo iuxta Australis maris & Oceani Germ. littora habitent; Chauci iisdem trans flumen vicini fuere, tandemq̄ue abolito veteri vocabulo toti in Frisiorum nomen concessere, hodieq̄ue Orientales Frisij vocantur, quos hæc nostra tabula non complectitur. Ad eorum autem differentiam hæc nostra Occidentalis Frisia dicitur, quæ eadem vera & antiqua illa Frisia est, quæ sola iisdem sedibus nomen suum tuetur. Hi itaque VVigevvonum, id est, maritimorum & littoralium natio sunt, littora Germaniaz Aquilonaria tenentes. Gens ipsa ferox, robusti corporis, atque animi intrepidi, ad necem prona, & libertatis studiosa, exterorum peregrinorumq̄ue impatiens, castitatis amans, natos natalq̄ue suas incorruptas educant ad maturam vique ætatem: nec matura sunt illis coniugia, vnde proles accipiunt robustiores, in grandiuscula corpora enascentes, potationibus plus æ quo additi. Rei pecuariaz magnoperè dediti, cum innumeros greges alant, ac boues omnium quos Europa habet optimos ac maximos ipforum procreet regio. licet Anglia generosos gignat: ita vt hinc in omnem propemodum Europam abigantur, vaccis etiam foecundissimis abundant. Equos bello aptissimos educat magis quàm gignit. Indies autem magis magisq̄ue mercaturæ se applicant: nauticæ etiam rei studiosi, piscationibus insuper plerique inhiant. Regio hæc in quatuor diuiditur status, quorum eminentior est Gruningensis, de quo præcedenti folio diximus, reliqui sunt comitatus de Ostergoi, comitatus de VVestergoi, & comitatus septem Saltuum, vulgè Seuenvolden, horumque trium caput est vrbs Leovvardia, opulenta & munita satis, hæc aulam forumq̄ue habet quo litigantium causæ cognoscuntur, dijudicanturq̄ue. Huic vicinus est Zvviem pagus, Viglij Præsidis Bruxellensis natale solum. Doccum, Oostergoensis diocesis oppidum, Gemmam Frisium medicum ac mathematicum insignem nobis genuit. Stauerem oppidum hodie, olim potentissima erat ciuitas in stricto maris Australis, inundationibus autem frequentissimis ad inferiorem iam multò fortunam redacta est. Franichera diues & opulentum oppidum, in quo vt plurimum nobiliores homines degunt, quod perduellium sui principis (qui tum Saxonicus dux erat) obsidionem fortiter sustinuerit, vnde amplo ab eo prærogatio, & priuilegijs præ cæteris Frisiaz urbibus ornatisimum: agrum habet, quem admodum & vniuersa Frisia, planum ac pascuis foecundissimum, stagnis tamen, lacubus ac paludibus intercisum. Sunt & alia huius regionis nobilia oppida, arcibus castrisque, sicut hæc prædicta, munita. Aër vtunque salutaris est, nisi quantum paludum exhalatione infectatur, quanquam & id labis, si quid est, ventorum beneficio expurgatur. Maris sæuitijs ita obnoxia, vt Choro flante sæpenumerò periclitetur, atque dudum præterito 170. anno, Calend. Nouembris, non pecudum modò, sed & hominum ad myriades vsque iacturam fecerit, vnde & in hodiernum diem diluuium istud die Allerheiligen fluth vocatur. Obq̄ue has causas frumenti parum ferax est, inundationes enim annuæ, sementem aut extinguerent, aut per agros omnes dispargerent. Vineta quoque ob nimium frigus, ventorumq̄ue rigorem regio non patitur. Sylvas etiam si habeat, tamen hæc sufficientes non sunt vt foco ligna ministrent. His itaque natura subuenit procreata gleba illa pingui ac bituminosa, quæ vento indurata lignorum penuriam subleuet, eamq̄ue in tanta habent abundantia, vt & vicinis regionibus subuenire illis queant. Sunt etiam nonnullæ in Oceano vicinæ Insulæ ad hanc regionem spectantes, arenosæ tamen omnes, quarum incolæ ex piscatura præcipuè viuunt.





FRISIA

FRISIA  
 HOLLANDIA  
 PARS  
 OCCIDENS  
 ORIENTALIS  
 DE ZUYDER ZEE  
 NOORDZEE  
 EMS  
 GRONINGEN  
 EMDEN  
 LEEUWARDEN  
 HOLLANDIA  
 PARS  
 OCCIDENS  
 ORIENTALIS  
 DE ZUYDER ZEE  
 NOORDZEE  
 EMS  
 GRONINGEN  
 EMDEN  
 LEEUWARDEN



